

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës („Gazeta zyrtare e Republikës së Maqedonisë” “ Nr. 145/10, 136/11, 41/2014, 53/16 dhe 83/18), dhe duke vepruar në bazë të njoftimit të përqendrimit të dorëzuar nga Interneshenal Pejper Kompani, me seli në 6400 Poplar Avenue, Memfis, Tennessee 38197, Shtetet e Bashkuara të Amerikës, përmes Shoqërisë së Avokatëve Polenak nga Shkupi, në seancën e mbajtur më 13.09.2024, solli

AKTVENDIM

1. Vërtetohet se përqendrimi me të cilin Interneshenal Pejper Kompani, me seli në 6400 Poplar Avenue, Memfis, Tennessee 38197, Shtetet e Bashkuara të Amerikës, synon të fitojë kontroll të pavarur drejtpërdrejt mbi DS Smith Plc, me seli në katin e 3-të, 1 Pedington Skver, Londër, Mbretëria e Bashkuar W2 1DL me anë të blerjes së aksioneve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

2. Parashtruesi i njoftimit për përqendrim obligohet që për njoftimin për përqendrim të paguaj taksë administrative në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

3. Padia për ngritjen e kontestit administrativ nuk e prolongon përmbarimin e aktvendimit.

Arsyetim

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejshëm: Ligji), më 12.08.2024, dhe i plotësuar më 30 .08.2024, në Komisionin për Mbrojtjen e Konkurrencës (në tekstin e mëtejshëm: Komisioni), është dorëzuar njoftim për përqendrim

nga Interneshenal Pejper Kompani, me seli në 6400 Poplar Avenue, Memfis, Tennessee 38197, Shtetet e Bashkuara të Amerikës me të cilën Interneshenal Pejper Kompani synon të fitojë kontroll të pavarur drejtpërdrejt mbi DS Smith Plc, me seli në katin e 3-të, 1 Pedington Skver, Londër, Mbretëria e Bashkuar W2 1DL me anë të blerjes së aksioneve

Komisioni filloi shqyrtimin e Njoftimit nga dita e pranimit të tij dhe në bazën e të dhënave të paraqitura në Njoftimin për përqendrim , shtojcat dhe anekset e tyre, konstatoi si në vijim:

Aktivitetet themelore të biznesit të ndërmarrjeve të përfshira:

Interneshenal Pejper Kompani është një kompani globale dhe lidere në industrinë e letrës dhe paketimit, e specializuar në prodhimin e paketimeve bazuar në fibra të rinovueshme, celulozë dhe produkte letre, duke përfshirë kartonin e veshur dhe të pa veshur, tablat e kartonit dhe paketimet e valëzuara.

Interneshenal Pejper Kompani nuk ka shoqëri të regjistruara të lidhura në Maqedoninë e Veriut, por është e pranishme në Maqedoninë e Veriut përmes shitjes së fibrave celuloze të importuara.

DS Smith Plc është shoqëria përfundimtare mëmë e Grupit DSS ("**Grupi DSS**"). Grupi DSS është një furnizues ndërkombëtar i paketimit të qëndrueshëm të bazuar në fibra, kryesisht në Evropë dhe Amerikën e Veriut, i mbështetur nga operacione për riciklim dhe prodhim letre.

Grupi DSS përfshin një shoqëri të regjistruar të lidhur – Shoqëria për prodhim letre dhe ambalazhi DS Smith SHA Shkup, me seli të regjistruar në rr. 1632 nr.1, Shkup – Gazi Baba, Gazi Babë, Maqedonia e Veriut, dhe me aktivitetin e regjistruar DS Smith SHA – Prodhimi i letrës dhe kartonit të valëzuar, si dhe paketimeve nga letra dhe kartoni. Më konkretisht, DS Smith SHA është e pranishme në Maqedoninë e Veriut me ofertë për paketime të valëzuara.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KOMISIONI PËR MBROJTJEN E KONKURRENCËS

KRYETARE

Ана Николоска